

## **PWYLLGOR ARCHWILIO PARTNERIAETHAU**

Cofnodion cyfarfod y Pwyllgor Archwilio Partneriaethau a gynhaliwyd yn Ystafell Gynhadledd 1a, Neuadd y Sir, Rhuthun ddydd Iau, 6 Hydref 2016 am 9.30am.

### **YN BRESENNOL**

Y Cynghorwyr Raymond Bartley (Is-Gadeirydd), Pat Jones, Gwyneth Kensler, Pete Prendergast, Bill Tasker a Huw Williams.

### **HEFYD YN BRESENNOL**

Y Cynghorydd Meirick Lloyd Davies, y Cynghorydd Hugh Evans (Arweinydd ac Aelod Arweiniol yr Economi) a'r Cynghorydd David Smith (Aelod Arweiniol, Parth Cyhoeddus).

Nicola Stubbins (Cyfarwyddwr Corfforaethol: Cymunedau), Phil Gilroy (Pennaeth Gwasanaethau Cefnogi Cymunedol), Emma Horan (Swyddog Cynllunio a Pherfformiad), Vicki Roberts (Rheolwr Tîm Cynllunio Strategol), Sian Taylor (Rheolwr Partneriaeth Diogelwch Cymunedol), Rhian Evans (Cydlynnydd Archwilio) a Karen A Evans (Swyddog Gwasanaethau Democrataidd).

#### **1 YMDDIHEURIADAU**

Derbyniwyd ymddiheuriadau oddi wrth y Cynghorwyr Jeanette Chamberlain-Jones, Arwel Roberts a Julian Thompson-Hill, Aelod Arweiniol dros Gyllid, y Cynllun Corfforaethol a Pherfformiad.

Roedd y Cynghorydd Ray Bartley yn cadeirio'r cyfarfod.

#### **2 DATGAN CYSYLLTIAD**

Ni ddatganwyd dim.

#### **3 MATERION BRYD FEL Y CYTUNWYD GAN Y CADEIRYDD**

Nid oedd unrhyw faterion brys.

#### **4 COFNODION Y CYFARFOD DIWETHAF**

Cyflwynwyd Cofnodion cyfarfod y Pwyllgor Archwilio Partneriaethau a gynhaliwyd ddydd Iau, 7 Gorffennaf 2016.

Materion yn Codi -

Roedd y Pwyllgor wedi gofyn am adroddiad gwybodaeth ar Fyrddau Diogelu Gogledd Cymru. Roedd briff wedi cael ei gylchredeg y diwrnod cynt - 5 Hydref - a oedd wedi cynnwys llawer o ddolenni i wybodaeth bellach. Atgoffodd y Cydlynnydd Archwilio y Pwyllgor y byddai Aelodau'r Bwrdd yn bresennol yn y Pwyllgor Archwilio Partneriaethau ym mis Ionawr 2017.

**PENDERFYNWYD** yn amodol ar yr uchod, derbyn a chymeradwyo'r Cofnodion fel cofnod cywir.

## **5 CYNLLUN LLES SIR DDINBYCH**

Cyflwynodd yr Arweinydd yr Adroddiad Perfformiad ar gyfer 2014 - 2016 (a ddosbarthwyd yn flaenorol) ar Gynllun Lles Sir Ddinbych - 'Cefnogi Annibyniaeth a Gwydnwch'. Eglurodd mai'r Cynllun oedd y cyn Fwrdd Gwasanaethau Lleol Conwy a Sir Ddinbych (BGLI) bellach yn Gynllun y Cyd-Fwrdd Gwasanaethau Cyhoeddus. Roeddent wedi cytuno ar ei gynnwys ar y cyd ac roeddent hefyd yn gyfrifol am fonitro ei weithrediad.

Yn ystod sefydlu'r BGC cytunwyd y dylai'r Bwrdd newydd gael ei gadeirio gan Aelod o'r Bwrdd nad yw o awdurdod lleol. O ganlyniad, gyda golwg ar ymestyn dylanwad y Bwrdd ar draws y ddwy ardal sirol roedd Cyfarwyddwr Ardal (Canol) o Fwrdd Iechyd Prifysgol Betsi Cadwaladr (BIPBC) wedi ei benodi yn Gadeirydd y BGC newydd.

Amlinellodd yr Arweinydd y 'Pum Ffordd at Les', a oedd yn amcanion strategol y Cynllun, gan gynghori eu bod yn cysylltu'n agos â nodau Deddf Llesiant Cenedlaethau'r Dyfodol (Cymru) 2015, a oedd i gefnogi gwytnwch hirdymor.

Rhoddodd y Swyddog Cynllunio a Pherfformiad fanylion ynglŷn â chynnwys y Cynllun a pherfformiad partneriaid hyd yma o ran cyflawni nodau'r Cynllun, gan esbonio ei fod wedi'i lunio cyn cyflwyno darpariaethau Deddf Llesiant Cenedlaethau'r Dyfodol. Pwysleisiodd fod mwy o gynnydd wedi'i wneud ynglŷn â chyflwyno rhai o'r 'ffyrdd ar gyfer lles' o'i gymharu ag eraill h.y. 'cymryd sylw' o'i gymharu â 'bod yn weithgar'. Fodd bynnag, roedd yr olaf yn nod hirdymor a fyddai angen peth amser cyn y gellid gweld gwelliannau.

Eglurodd y Swyddog Cynllunio a Pherfformiad:

- y broses a gynhaliwyd i bennu'r blaenoriaethau ar gyfer y Cynllun Llesiant;
- sut roedd bylchau mewn gwasanaethau ar draws y bwrdd wedi cael eu nodi a chynlluniau wedi'u llunio i lenwi'r bylchau gyda golwg ar gefnogi gwasanaethau atal a gwella gwytnwch unigolion;
- bod y dull Cyd BGLI/BGC wedi bod yn arloesol ac yn arwain sector. Mae Llywodraeth Cymru (LIC) a Chomisiynydd Cenedlaethau'r Dyfodol wedi dangos diddordeb mawr yn y dull a gymerwyd; wrth benderfynu ar y prosiectau i'w cyflawni ar gyfer y blaenoriaethau roedd y BGLI/BGC wedi bod yn arloesol a blaengar er nad oedd yn amharod i gymryd risg;
- roedd gwahanol brosiectau yn cael eu harwain gan wahanol bartneriaid, nid oedd pob un ohonynt yn cael eu harwain gan awdurdod lleol e.e. Cafodd 'Sir Ddinbych 20' ei ddechrau gan Fwrdd Partneriaeth Strategol Sir Ddinbych a arweiniwyd gan Heddlu Gogledd Cymru. Roedd y prosiect yn targedu

unigolion blaenoriaeth isel/galw uchel drwy broses enwebu i:Leihau mynediad heb ei gynllunio i wasanaethau

- Gwella effeithiolrwydd y cydweithio rhwng gwasanaethau
- Gwella bywydau unigolion/cymunedau

- er nad oedd pob un o'r prosiectau wedi cael eu cyflwyno, neu nad oedd rhai wedi bod mor llwyddiannus ag eraill, roedd llawer wedi cael ei ddysgu o'r gwaith sydd ynghlwm â nhw a fyddai o fudd i'r holl bartneriaid wrth ymgymryd â phrosiectau yn y dyfodol. Roedd yr holl bartneriaid hefyd wedi dysgu llawer am ffyrdd ei gilydd o weithio, rhywbeth a fyddai'n ddefnyddiol iawn i bob un ohonynt yn y dyfodol wrth benderfynu ar brosiectau ymyrraeth posibl. Byddai'r hyn a ddysgwyd o'r gwaith Cynllun Llesiant yn amhrisiadwy i'r BGC yn ei waith cynllunio ar gyfer y Cynllun Llesiant newydd, yn enwedig mewn perthynas â gwaith asesu anghenion; bod y prosiect 'Sir Ddinbych 20' wedi creu llawer iawn o ddi-ddordeb ar draws Cymru;
- nad oedd unrhyw adnoddau ychwanegol wedi eu neilltuo ar gyfer cyflwyno'r Cynllun Llesiant, roedd pob partner wedi cyflwyno eu gwaith o fewn adnoddau cyfredol e.e. drwy adleoli neu ddargyfeirio adnoddau presennol, defnyddio gwirfoddolwyr ac ati.
- roedd y prosiect sy'n ymwneud â 'Bancio Amser' wedi ei dynnu'n ôl o blaid canolbwyntio ymdrechion y BGLI ar ddatblygu cyfleoedd gwirfoddoli;
- bod gordewdra ac ysmegu yn parhau i fod yn broblem ar draws Sir Ddinbych, gydag ystadegau am oedolion sy'n ysmegu yn dangos cynnydd ar ffigurau blynyddoedd blaenorol a chofrestru yn uwch na chyfartaledd Cymru. Byddai'r ddau faes yma yn ymddangos yn yr asesiad o anghenion ar ddod ar gyfer Cynllun Llesiant 2017 Conwy a Sir Ddinbych ar y Cyd; mai elfen arall a fyddai'n ymddangos yn y Cynllun hwnnw a'r asesiad anghenion cysylltiedig fyddai Cludiant Cymunedol, gan fod gan hyn ran hollbwysig i'w chwarae i leihau ynysu cymdeithasol. Byddai cynyddu defnydd o'r iaith Gymraeg yn y gymuned hefyd yn ymddangos yn y Cynllun newydd, gan fod y Cyngor yn hynod o bryderus mai dim ond tua 13% o boblogaeth y sir sy'n defnyddio'r iaith o ddydd i ddydd. Mae'r iaith Gymraeg yn bendant yn fater arwyddocaol, ond nid ydym yn siŵr a fydd yn cael ei flaenoriaethu yn y cynllun newydd eto – nid yw'r Bwrdd Gwasanaethau Cyhoeddus wedi trafod yr asesiad llesiant eto (asesiad anghenion); roedd y defnydd o'r iaith Gymraeg yn y gymuned yn faes o bryder i'r Cyngor a'r BGC, yn seiliedig ar ystadegau diweddar mai dim ond tua 13% o boblogaeth y sir sy'n defnyddio'r iaith yn ddyddiol;
- oherwydd cyflwyniad y ddarpariaeth yn y Ddeddf Llesiant Cenedlaethau'r Dyfodol a'r rhwymedigaeth statudol i gynnal asesiad o anghenion lleol fel rhan o'r gwaith paratoi ar gyfer y Cynllun Llesiant newydd, byddai oes y Cynllun presennol yn cael ei fyrhau i ddarparu ar gyfer y gwaith sy'n ymwneud â chynllunio ei Gynllun olynol; ac

y disgwylid i'r drafft cyntaf o'r asesiad Llesiant newydd gael i'w gwblhau erbyn diwedd mis Hydref 2016, er mwyn i'r BGC ystyried adborth o ymgysylltu ac ymgynghori a chanfyddiadau'r asesiad Llesiant. Yn gynnar yn 2017 byddai'r BGC yn ymgynghori ar flaenoriaethau drafft, roedd archwilio yn un o'r ymgynghoreion statudol ar gyfer yr asesiad. Disgwylir i'r Cynllun Llesiant terfynol gael ei gymeradwyo erbyn diwedd mis Hydref 2017 tua'r un adeg â Chynllun Corfforaethol newydd y Cyngor. Byddai disgwyl i'r ddau Gynllun ategu ei gilydd.

Gan ymateb i gwestiynau'r aelodau, dywedodd yr Aelod Arweiniol a swyddogion:

- er na fu cynnydd sydyn yn nifer yr oedolion sy'n ysmegu yn Sir Ddinbych (i fyny o 23% yn 2013/14 i 24% yn 2014/15), y cyfartaledd cenedlaethol ar gyfer Cymru oedd 20%, roedd y duedd yn mynd yn y cyfeiriad anghywir a gyda'r bwriad o fynd i'r afael â'r broblem byddai'r Bwrdd lechyd yn gwneud rhywfaint o waith wedi'i dargedu i geisio cyfleu'r neges a gwrthdroi'r duedd h.y. byddent yn targedu mamau beichiog i bwysleisio canlyniadau ysmegu ar fabanod heb eu geni a theuluoedd yn gyffredinol;
- tra bu newidiadau o fewn staff Cyngor Gwasanaethau Gwirfoddol Sir Ddinbych (CGGSDd) yn ddiweddar, nod yr ailstrwythuro staff oedd i gynorthwyo i gyflwyno ei wasanaethau yn fwy effeithiol ac i weithio'n fwy effeithiol gyda sefydliadau partner BGC;
- roedd prosiect 'Sir Ddinbych 20' nawr wedi dod i ben ac roedd dau grŵp presennol wedi cymryd drosodd ei gyfrifoldeb; a
- bod Heddlu Gogledd Cymru wedi bod yn bartner gweithredol wrth gyflwyno'r Cynllun Llesiant presennol.

Roedd yr aelodau o'r farn:

- tra bod y dyheadau sy'n gysylltiedig â'r Pum Awgrym Llesiant yn ganmoladwy byddai'n aros i weld a fyddent yn neu y gellid eu cyflawni gan y byddent yn gofyn am ymdrech ar y cyd ar ran y trigolion yn ogystal â phartneriaid BGC
- byddai rhoi'r gorau i'r prosiect 'Sir Ddinbych 20' yn golled fawr i'r sir. Roeddent yn teimlo bod problemau sy'n gysylltiedig ag alcohol yn ffactor sy'n cyfrannu at nifer o broblemau cymdeithasol ledled Sir Ddinbych; ffactor arall oedd yn gwaethygu problemau cymdeithasol yn y sir oedd diffyg parhad staff gwasanaeth yr heddlu ar draws y sir a cholli Swyddogion Cymorth Cymunedol yr Heddlu (PCSOs) mewn nifer o ardaloedd. Teimlwyd bod diffyg presenoldeb yr heddlu neu aelod cydnabyddedig/adnabyddus o staff yr Heddlu 'ar y bîl' mewn cymunedau yn arwain at gynnydd mewn ymddygiad gwrthgymdeithasol neu deimlad o ofn ac unigrwydd mewn cymunedau.

Mewn perthynas â'r pwynt olaf gofynnodd yr aelodau i'w pryderon gael eu hanfon ymlaen at gynrychiolydd y Cyngor ar Banel yr Heddlu a Throseddau er mwyn iddo godi'r mater gyda Chomisiynydd yr Heddlu a Throseddau.

Cyn diwedd y drafodaeth gofynnodd y Pwyllgor i'r adran 'Cymerwch Sylw' gyfeirio at y ffaith bod nifer yr Archwiliadau Diogelwch Tân yn y Cartref a gynhaliwyd gan Wasanaeth Tân ac Achub Gogledd Cymru wedi bod yn destun toriadau cyllidebol gan yr Awdurdod Tân ac Achub, fel rhan o fesurau caledi o fewn gwasanaethau cyhoeddus. Gofynnwyd hefyd bod is-benawdau yn cael eu cynnwys yn yr adran benodol hon er mwyn gwahaniaethu yn hawdd rhwng elfennau a ddarperir gan wahanol bartneriaid.

Yn dilyn trafodaeth fanwl:

**PENDERFYNWYD:** yn amodol ar y sylwadau uchod, i dderbyn yr adroddiad ar berfformiad y Bwrdd Gwasanaethau Lleol/Bwrdd Gwasanaethau Cyhoeddus wrth gyflwyno ei Gynllun Llesiant 2014-16.

Hysbysodd y Cadeirydd bawb oedd yn bresennol ar gyfer yr eitem nesaf y byddai'r Pwyllgor yn gweithredu yn ei swyddogaeth fel Pwyllgor Archwilio Troseddau ac Anhrefn dynodedig y Cyngor yn unol â Deddf yr Heddlu a Chyfiawnder 2006 adrannau 19 ac 20.

## **6 PARTNERIAETH DIOGELWCH CYMUNEDOL – DIWEDDARIAD BLYNYDDOL 2015/16**

Cyflwynodd Aelod Arweiniol y Parth Cyhoeddus Adroddiad Diweddariad Blynyddol Cydbartneriaeth Diogelwch Cymunedol Conwy a Sir Ddinbych ar gyfer 2015/16 (dosbarthwyd yn flaenorol) a dywedodd fod y Bartneriaeth, gan gynnwys ei holl bartneriaid preswyl yn gweithio tuag at gyflawni amcanion Comisiynydd yr Heddlu a Throseddau. Roedd Rheolwr PDC ar gyfer Conwy a Sir Ddinbych yn manylu ar gynnwys yr adroddiad a'r atodiadau cysylltiedig gan bwysleisio bod:

- gwelliannau wedi eu cyflawni yn ystod 2015/16 oedd yn cynnwys gostyngiad mewn troseddau ieuenctid;
- yn dilyn adolygiad Arolygiaeth Heddlu Ei Mawrhydi (ACEM), roedd yr Heddlu wedi diwygio'r dull y maent yn cofnodi digwyddiadau ac roedd hyn wedi arwain at 'ddrysu' categorïau penodol;
- bu cynnydd yn nifer y digwyddiadau trais yn y cartref a adroddwyd arnynt. Roedd y Bartneriaeth Diogelwch Cymunedol yn mynd ati i annog unigolion i roi gwybod am y mathau hyn o ddigwyddiadau; bu cynnydd hefyd yn nifer y digwyddiadau trais a throsedd rhywiol a adroddwyd arnynt.

Roedd Ymddygiad Gwrthgymdeithasol yn fwy tueddol mewn rhai rhannau o'r sir h.y. yfed ar y stryd a chardota yn ymddangos yn gyffredin mewn rhai ardaloedd yn y Rhyl. Yn yr ardaloedd hyn roedd y Bartneriaeth Diogelwch

Cymunedol yn cynorthwyo wrth hwyluso atebion 'haws' er mwyn ceisio lleihau effaith y broblem e.e. drwy ariannu goleuadau stryd ac ati, unigolion oedd achos y niwsans, ac nad oedd yn gyffredinol yn torri unrhyw gyfreithiau, yn amharod iawn i dderbyn y cynnig o wasanaethau ymyrraeth i fynd i'r afael â'u hymddygiad gwrthgymdeithasol e.e. cwnsela ar gyfer camddefnyddio alcohol/cyffuriau ac ati. Yn aml iawn roeddent yn awyddus i fyw eu bywydau fel hyn;

- bu achosion o 'gardota proffesiynol' yn ardal Y Rhyl; a
- nifer o fentrau diogelwch cymunedol wedi'u targedu llwyddiannus iawn a oedd wedi digwydd yn ystod y flwyddyn, h.y. cyflwyno 'ardaloedd dim galw'n ddiwahoddiad'; gwiriadau ar hap gyda staff rheoleiddio ar dacsis i sicrhau eu bod yn deilwng i fod ar y ffordd ac yn cydymffurfio â'u manylebau trwyddedu, camau gorfodi yn erbyn gwerthwyr tybaco anghyfreithlon; cyllid a sicrhawyd i ddefnyddio marsialiaid tacsî/gwirfoddolwyr y Groes Goch gyda golwg ar liniaru ymddygiad gwrthgymdeithasol mewn safleoedd tacsî a'i oblygiadau canlyniadol ar adrannau damweiniau ac argyfwng mewn ysbytai; baw cŵn a gwaith gorfodi sbwriel; hyfforddiant cam-fanteisio'n rhywiol ar blant ar gyfer gyrwyr tacsî; gweithio gyda'r Fforwm Landlordiaid i leihau ymddygiad gwrthgymdeithasol; negeseuon codi ymwybyddiaeth drwy gyfryngau cymdeithasol a chynhyrchu newyddlen ymwybyddiaeth rheolaidd.

Wrth ymateb i gwestiynau'r aelodau, cadarnhaodd yr Aelod Arweiniol a'r Rheolwr Partneriaeth Diogelwch Cymunedol:

- bod gwaith gorfodi mewn perthynas â chŵn yn baeddu a sbwriel wedi bod yn arbennig o lwyddiannus;
- cadarnhawyd bod trafodaethau ar y gweill ar hyn o bryd o ran troseddau gwledig a sut y gallai gwaith y Partneriaeth Diogelwch Cymunedol gefnogi ac ategu gwaith yr Heddlu mewn ardaloedd gwledig e.e. archwilio'r potensial o gael cynllun 'Gwarchod Gwledig' mewn rhai ardaloedd;
- dywedodd bod yna fath o gynllun 'Gwarchod Cymdogaeth' newydd yn y broses o gael ei gyflwyno mewn rhai ardaloedd ar hyn o bryd. Er y byddai cydlynwyr prif gynllun Gwarchod Cymdogaeth yn amodol ar wiriadau cofnodion troseddol, ni fyddai'r holl gysylltiadau yn amodol arnynt. Teimlai'r Aelodau fod hyn felly yn peri risg; dywedwyd hyd yn hyn ei bod yn rhy gynnar i benderfynu a yw'r stori ddiweddar ar 'The Archers' sy'n ymwneud â cham-drin domestig yn creu cynnydd yn nifer yr achosion yr adroddwyd arnynt. Fodd bynnag, byddai swyddogion, trwy'r Gynhadledd Amlasiantaeth Asesu Risg yn monitro'r ystadegau'n agos; eglurwyd y rhesymau y tu ôl i'r gwahanol ddulliau ar gyfer cofnodi achosion o Ymddygiad Gwrthgymdeithasol yng Nghonwy a Sir Ddinbych. Roedd hyn oherwydd bod adroddiadau am ymddygiad gwrthgymdeithasol yn ardal sir Conwy yn cael eu trin gan Uned Ymddygiad Gwrthgymdeithasol bwrpasol ac yn Sir Ddinbych roedd pob galwad yn derbyn sylw gan Ganolfan Alwadau Cwsmeriaid y Cyngor; cydnabod bod unigolion oedd yn yfed alcohol ar y strydoedd yn broblem barhaus, yn enwedig yn Y Rhyl. Roedd hyn yn cael effaith negyddol ar

uchelgais y Cyngor i ddatblygu'r economi leol a denu busnesau i'r ardal. Roedd trafodaethau wedi eu cynnal yn ddiweddar mewn perthynas â'r mater rhwng Cyfarwyddwr Corfforaethol y Cyngor: Economi a Pharth Cyhoeddus a Phrif Arolygydd yr Heddlu ar gyfer Sir Ddinbych. Mewn rhai achosion, yr unig ateb oedd i'r Heddlu ddefnyddio camau gorfodi, a oedd yn llwybr yr oeddent yn fwy aml na pheidio yn amharod i'w ddilyn. Mewn ymgais i fynd i'r afael â'r broblem o yfed ar y stryd a chardota roedd Penderfyniad Dirprwyedig Aelod Arweiniol ar gyflwyno Gorchmynion Amddiffyn Mannau Cyhoeddus yn gwahardd arferion o'r fath mewn ardaloedd penodol o'r Rhyl, allan ar gyfer ymgynghori ar hyn o bryd;

- cadarnhawyd bod swyddogion yn ymwybodol o'r problemau a achosir gan ddigartrefedd mewn ardaloedd penodol. Er eu bod yn monitro'r sefyllfa yn rheolaidd, os yw unigolion yn dymuno byw eu bywydau mewn ffordd benodol ac yn gwrthod pob cynnig o gymorth a chefnogaeth, ni ellid eu gorfodi i dderbyn y cymorth pe na baent yn torri unrhyw gyfreithiau; dywedodd er bod y 'Ddeddf Crwydradaeth' yn rhoi pwerau i'r Heddlu ddelio â phobl yn cardota ar y strydoedd, nid oedd gan y Gwasanaeth ddigon o adnoddau sydd ar gael i orfodi darpariaethau'r Ddeddf;
- cadarnhau bod trefn drwyddedu gadarn yn hanfodol er mwyn lliniaru'r risg o YGG mewn ac o gwmpas mangre drwyddedig; a
- cadarnhawyd bod gwarantau wedi eu rhoi gan yr holl bartïon y byddai'r prosiectau yn y dyfodol a restrir yn Atodiad 4 o'r adroddiad yn cael eu cyflwyno erbyn diwedd y flwyddyn ariannol bresennol. Yn ogystal, os oedd ardaloedd eraill wedi eu nodi fel rhai brys oedd angen sylw, gellid gwneud ceisiadau i ffynonellau perthnasol ar gyfer cyllid.

Eto cyfeiriodd yr Aelodau at ddiffyg cyfathrebu rhwng yr Heddlu a chynrychiolwyr y gymuned o fewn eu hardaloedd a oedd yn cael effaith niweidiol ar drigolion. Roeddent hefyd yn pwysleisio'r angen i'r aelodau gael gwybodaeth lawn am achosion o ymddygiad gwrthgymdeithasol yn eu hardaloedd gan eu bod yn ddolen gyswllt bwysig i'r gymuned fusnes leol. Gallai cyfathrebu effeithiol rhwng pawb wedyn gynorthwyo i leihau ymddygiad gwrthgymdeithasol a helpu i sicrhau bod y Bartneriaeth Teledu Cylch Caeëdig newydd wedi lleoli camerâu yn y manau hysbys a'u symud i ardaloedd eraill yn ôl yr angen. Cytunodd y Rheolwr Partneriaeth Diogelwch Cymunedol i gynyddu effaith y gostyngiad yn Swyddogion Cymorth Cymunedol yr Heddlu, diffyg parhad a gwelededd staff y Gwasanaeth Heddlu mewn cymunedau lleol, yn ogystal â'r angen am gyfathrebu effeithiol a rhannu cudd-wybodaeth gyda chynrychiolwyr cymunedol gyda Gwasanaeth yr Heddlu.

Rhodddwyd sicrwydd gan y Cyfarwyddwr Corfforaethol: Cymunedau y byddai help a chefnogaeth ar gael i bob unigolyn sydd mewn perygl o fod yn ddigartref os ydynt yn gofyn amdano, er gwaethaf y ffaith y gallent fod wedi gwrthod cefnogaeth yn y gorffennol. Dywedodd fod y Cyngor ar hyn o bryd yn y broses o ailfodelu ei wasanaethau digartrefedd a gynigir i bobl ifanc.

Ar ddiwedd y drafodaeth diolchodd y Pwyllgor i'r Aelod Arweiniol a'r swyddogion am yr adroddiad, am ateb eu cwestiynau ac am frwdfrydedd y Tîm Partneriaethau Diogelwch Cymunedol i yrru'r gwaith yn ei flaen. Aelodau:

**PENDERFYNWYD** - yn amodol ar y sylwadau ac arsylwadau uchod, i dderbyn adroddiad y Cydbartneriaeth Diogelwch Cymunedol ar ei weithgareddau yn ystod 2015/16 a'i brosiectau arfaethedig ar gyfer 2016/17.

## 7 RHAGLEN WAITH ARCHWILIO

Roedd copi o adroddiad gan y Cydlynnydd Archwilio, a oedd yn gofyn i'r Pwyllgor adolygu a chytuno ar ei Raglen Gwaith i'r Dyfodol ac yn rhoi diweddariad ar faterion perthnasol, wedi ei ddisbarthu gyda'r papurau ar gyfer y cyfarfod.

Roedd copi o dempled "ffurflen cynnig Aelodau" wedi'i gynnwys yn Atodiad 2, roedd Rhaglen Gwaith i'r Dyfodol y Cabinet wedi'i gynnwys fel Atodiad 3, ac roedd tabl yn crynhoi penderfyniadau diweddar y Pwyllgor ac yn cynghori am gynnydd wrth eu gweithredu wedi'i atodi yn Atodiad 4.

Cytunwyd ar y pedair eitem ar y rhaglen gwaith i'r dyfodol ar gyfer mis Tachwedd yn ogystal â'r gwahoddiad i fynychu wedi'i estyn i'r holl Aelodau Arweiniol sy'n gysylltiedig â phob eitem a restrwyd ar y rhaglen fusnes.

Cadarnhaodd y Pwyllgor ei Raglen Gwaith i'r Dyfodol drafft ar gyfer cyfarfodydd y dyfodol a chytunwyd ar y newidiadau a'r ychwanegiadau canlynol:-

- i ofyn am eglurhad gan yr SC&VCG nesaf ar faterion i fynd i'r afael â Dyrannu Gweithwyr Cymdeithasol i Ysbytai Cymuned ac yn y Gymuned yn Ionawr 2017 a
- holi am y posibilrwydd o ymweld â swyddfeydd newydd y Partneriaethau Masnachol ar gyfer y Gwasanaeth Refeniw a Budd-daliadau yn dilyn eitem ar raglen y Pwyllgor yn Ionawr 2017.

Amlygodd y Cydlynnydd Archwilio nifer o swyddi gwag ar gyfer cynrychiolwyr ar nifer o Grwpiau Her Gwasanaeth a gofynnodd am enwebiadau i lenwi'r swyddi hynny. Cytunwyd y byddai'r cynrychiolwyr canlynol yn cael eu penodi ar ran y Pwyllgor Archwilio Partneriaethau:

- Y Cynghorydd Pete Prendegast - Cyfleusterau, Asedau a Thai
- Y Cynghorydd Gwyneth Kensler - Cyllid
- Y Cynghorydd Bill Tasker - Y Gyfraith, Adnoddau Dynol a'r Gwasanaethau Democraidd.



***PENDERFYNWYD*** - yn amodol ar yr uchod, cymeradwyo'r adroddiad a'r Rhaglen Waith fel y caiff ei hamlinellu yn Atodiad 1 yr adroddiad.

## **8 ADBORTH GAN GYNRYCHIOLWYR PWYLLGOR**

Nid oedd unrhyw aelod o'r Pwyllgor wedi mynychu cyfarfodydd i adrodd yn ôl arnynt ers cyfarfod blaenorol y Pwyllgor Archwilio Partneriaethau.

Daeth y cyfarfod i ben am 11.30am